

SULIT



LEMBAGA PEPERIKSAAN
KEMENTERIAN PENDIDIKAN MALAYSIA

SIJIL PELAJARAN MALAYSIA 2014

3757/2

EKONOMI ASAS

Kertas 2

Nov./Dis.

2 jam

Dua jam

JANGAN BUKA KERTAS SOALAN INI SEHINGGA DIBERITAHU

1. *Kertas soalan ini mengandungi dua bahagian: **Bahagian A** dan **Bahagian B**.*
2. *Jawab **tiga** soalan daripada **Bahagian A** dan satu soalan wajib di **Bahagian B**.*
3. *Jawapan anda hendaklah ditulis dalam buku jawapan yang disediakan. Sekiranya ruang dalam buku jawapan tidak mencukupi, sila dapatkan helaian tambahan daripada Pengawas Peperiksaan.*
4. *Jawapan bagi **Soalan 2(d)** hendaklah ditulis dalam kertas graf di halaman **13**.*
5. *Helaian tambahan (jika ada) dan kertas graf bagi **Soalan 2(d)** hendaklah diikat di sebelah dalam buku jawapan dan dihantar bersama-sama buku jawapan pada akhir peperiksaan.*
6. *Anda dinasihati supaya mengambil masa 80 minit untuk menjawab soalan dalam **Bahagian A** dan 40 minit untuk menjawab soalan dalam **Bahagian B**.*
7. *Markah yang diperuntukkan bagi setiap soalan atau ceraihan soalan ditunjukkan dalam kurungan.*
8. *Jika anda hendak menukar jawapan, batalkan dengan kemas jawapan yang telah dibuat. Kemudian tulis jawapan yang baharu.*
9. *Anda dibenarkan menggunakan kalkulator saintifik.*
10. *Semua kertas jawapan anda hendaklah diserahkan pada akhir peperiksaan.*

Kertas soalan ini mengandungi 13 halaman bercetak dan 3 halaman tidak bercetak.


[Lihat halaman sebelah

Bahagian A

[75 markah]

*Jawab mana-mana **tiga** soalan daripada bahagian ini.*

- 1 (a) Gambar 1 menunjukkan satu contoh barang percuma.



Gambar 1

Barang tersebut boleh diubah menjadi barang ekonomi.
Beri hujah anda secara terperinci tentang pernyataan di atas.

[5 markah]

- (b) Perbualan berikut berkaitan dengan ciri sistem ekonomi dua buah negara.

Kamal: Fahmi, bila kau sampai di sini? Aku dengar kau buka restoran di negara **P**. Banyak dapat untung?

Fahmi: Aku sampai semalam, lewat dua hari kerana ditahan pihak imigresen negara **P**. Tahun lepas restoran aku dapat untung banyak, sebab tu aku kena bayar cukai. Selepas bayar cukai, baru aku dibenarkan berlepas ke sini. Eh, kau buat apa di negara **Q** ni?

Kamal: Aku menjadi pemain bola sepak dengan Kelab Division Dua. Kau tak kena bayar zakat?

Fahmi: Di negara **P** tak perlu. Kau pula bagaimana, dah jelaskan bayaran cukai dan zakat?

Kamal: Mana ada cukai dan zakat di sini. Aku bebas menggunakan semua pendapatan yang diterima.

Beri **empat** perbezaan ciri antara sistem ekonomi negara **P** dengan sistem ekonomi negara **Q**. [8 markah]

- (c) Maklumat berikut berkaitan dengan satu dasar kerajaan.

Dasar Rasionalisasi Subsidi dengan meningkatkan harga petrol Ron 95 dan diesel sebanyak 20 sen seliter oleh kerajaan dapat menjimatkan hasil kerajaan sebanyak RM3.3 juta. Penjimatan tersebut membolehkan kerajaan memberi lebih banyak bantuan kepada golongan berpendapatan rendah.

- (i) Apakah jenis pendapatan yang diterima oleh golongan tersebut?
Beri **dua** contoh. [3 markah]
- (ii) Jelaskan kesan dasar di atas terhadap ekonomi Malaysia. [3 markah]
- (d) Jelaskan sebab-sebab potongan wajib dikenakan ke atas individu. [6 markah]

- 2 (a) Trend orang muda sekarang yang sering menukar kereta model baharu tetapi tidak memberi keutamaan memiliki rumah kediaman merupakan suatu yang tidak boleh menjadi ikutan.
Beri pendapat anda tentang pernyataan di atas. [5 markah]
- (b) Jelaskan hukum permintaan dengan menggunakan jadual yang sesuai. [5 markah]
- (c) Jadual 1 menunjukkan peratus perubahan kuantiti diminta dan peratus perubahan harga bagi suatu barang.

Jenis Barang	Peratus Perubahan Kuantiti Diminta	Peratus Perubahan Harga
R	10	5

Jadual 1

- (i) Hitung nilai keanjalan harga permintaan barang tersebut. [2 markah]
- (ii) Strategi pengeluar menaikkan harga barang tersebut untuk memaksimumkan hasil adalah tidak wajar.
Beri hujah anda secara terperinci. [4 markah]
- (d) Jadual 2 menunjukkan harga dan kuantiti ditawarkan bagi suatu barang.

Harga (RM)	Kuantiti Ditawar (unit)
10	40
30	100
40	120

Jadual 2

- (i) Lukis keluk penawaran bagi barang tersebut di atas kertas graf yang disediakan. [4 markah]
- (ii) Jelaskan pembentukan keluk di 2(d)(i). [5 markah]

- 3 (a) Jelaskan konsep pasaran. [4 markah]
- (b) Jelaskan peranan isi rumah dan firma dalam aliran pusingan pendapatan ekonomi dua sektor. [4 markah]
- (c) Perbualan berikut berkaitan dengan urus niaga kereta.

Penjual : Bersetujukah encik nak beli kereta ini?


Azham : Saya bersetuju tapi saya nak bayar dalam tempoh tujuh (7) tahun. Boleh ke?

Penjual: Boleh, encik bayar deposit RM5 000 dan bayar setiap bulan RM500 sahaja.

Azham: Baiklah, saya akan tulis cek sekarang.

- (i) Huraikan fungsi wang dalam urus niaga di atas. [3 markah]
- (ii) Bagaimanakah Azham boleh menjelaskan bayaran bulanannya? Kemukakan alasan anda. [6 markah]

(d) Gambar 2 dan Gambar 3 menunjukkan dua jenis wang.



Gambar 2



Gambar 3

- (i) Nyatakan jenis wang pada Gambar 2. [1 markah]
- (ii) Bandingkan antara kedua-dua jenis wang tersebut. [7 markah]

- 4 (a) Bagaimanakah Lembaga Tabung Haji membantu kerajaan menstabilkan ekonomi negara? [4 markah]

- (b) Senaraikan **lima** hasil bukan cukai kerajaan. [5 markah]

- (c) Maklumat berikut berkaitan dengan sumber pinjaman kerajaan.

Bagi melaksanakan projek pembangunan negara, kerajaan telah mendapat tawaran pinjaman dari beberapa institusi kewangan antarabangsa. Namun begitu tawaran tersebut ditolak. Kerajaan membuat keputusan untuk mendapatkan pinjaman daripada Kumpulan Wang Simpanan Pekerja.

- Mengapakah kerajaan membuat keputusan tersebut? [6 markah]

- (d) Jelaskan tujuan belanjawan negara Malaysia dibentangkan pada setiap tahun. [2 markah]

- (e) Bil perbendaharaan dan surat jaminan kerajaan merupakan dua cara kerajaan meminjam daripada sumber dalam negara.

- Bandingkan antara kedua-dua cara pinjaman kerajaan tersebut. [8 markah]

- 5 (a) Jelaskan keburukan perdagangan antarabangsa kepada negara. [5 markah]
- (b) Jadual 3 menunjukkan penyata imbalan pembayaran sebuah negara pada suatu tahun.

Butiran	Jumlah (RM juta)
Eksport minyak sawit	800
Eksport kayu balak	700
Import jentera	300
Import alat ganti pengangkutan	350
Urus niaga kerajaan	-70
Tambang dan insurans	-580
Perjalanan	-100
Pendapatan bersih	-55
Pelancongan	-30
Pindahan bersih	-150

Jadual 3

- (i) Jelaskan maksud imbalan pembayaran sesebuah negara. [1 markah]
- (ii) Apakah **dua** butiran yang terdapat dalam akaun perkhidmatan? [2 markah]
- (iii) Hitung Imbalan Akaun Semasa bagi negara tersebut.
[Gunakan rumus:
Imbalan Akaun Semasa = Imbalan Akaun Dagangan + Imbalan Akaun Perkhidmatan + Imbalan Akaun Pendapatan + Pindahan Semasa Bersih]
[4 markah]

- (c) Sebagai usaha melindungi perusahaan kereta nasional, kerajaan telah mengawal kemasukan kereta import.

Bagaimanakah sekatan perdagangan antarabangsa membantu merealisasikan usaha tersebut? Beri hujah anda secara terperinci. [7 markah]

- (d) Kenaikan dalam nilai Ringgit Malaysia (RM) berbanding Pound Sterling (£) menyebabkan imbalan dagangan Malaysia cenderung merosot.


Jelaskan pernyataan tersebut. [6 markah]

Bahagian B

[25 markah]

Soalan ini wajib dijawab.

- 6 Berikut adalah catatan kehidupan Encik Hazam bermula dari tamat persekolahan tingkatan lima sehingga bergelar menjadi seorang usahawan berjaya.



Tahun 2013 Menerima anugerah Tokoh Usahawan Jaya	♦ Berhasrat untuk membesarkan perniagaan sedia ada atau menambah bidang perniagaan baharu.    Perniagaan Sedia Ada 12 Ekar Kebun Getah Untuk Dijual Di Kg. Behor Chichar, Jalan Kaki Bukit  Getah tua berusia lebih 25 tahun 200 meter dari jalan utama Harga ditawarkan: RM80 000 seekar (Harga boleh dirunding) Perniagaan Baharu
---	---

Berdasarkan situasi di atas, jawab soalan berikut:

- (a) Mengapakah Encik Hazam memilih pekerjaan tersebut pada tahun 1981?
[5 markah]
- (b) Jelaskan kesan keputusan yang diambil oleh Encik Hazam pada tahun 1984 terhadap dirinya.
[5 markah]
- (c) Pada pendapat anda, bagaimanakah Encik Hazam berupaya meningkatkan keuntungan syarikat walaupun negara berada dalam keadaan ketidakstabilan ekonomi?
[4 markah]
- (d) Jelaskan kelebihan Encik Hazam bertindak demikian pada awal penubuhan syarikatnya.
[5 markah]
- (e) Cadangkan pilihan terbaik kepada Encik Hazam untuk memastikan perniagaannya memperoleh keuntungan maksimum pada tahun 2013.
Kemukakan alasan anda.
[5 markah]
- (f) Apakah kesimpulan yang dapat anda nyatakan daripada keseluruhan maklumat yang diberi?
[1 markah]

KERTAS SOALAN TAMAT

HALAMAN KOSONG

No. Kad Pengenalan.....

Angka Giliran.....

Mata Pelajaran.....

Graf untuk Soalan